

亥巳

三月朔庚辰○上在貞陵洞行宮○朝王世子問安○司諫院

啓曰各衙門都監伺候郎廳不無奔走之勞或可以論賞而頃因各衙門接伴使書啓無論日月久近職秩高下並陞六品少無差等賞職

之不中莫此為甚請前後承傳並勿舉行令該曹考其日數職次更

為參酌磨鍊施賞有差俾無躐等之弊北兵使李鎰累犯喪師之律當

朕釜鑕之刑而朝廷曲為饒貸復授重任則所當十分恪謹以期自

效而有謂年老位極更無所為每語人曰罷歸吾之幸也縱恣貪虐略

無顧忌剝割是事刑杖甚酷活人殺人惟視貨賂且其所率妻甥二人

憑藉主帥之勢恐喝求索邊將守令無不被其戮辱而少不禁戢任其

橫恣本道人民莫不怨罵皆曰非前日之李鎰如此之人不可仍置重地

以債國事請命罷職上曰論貴郎廳等是伯仲之間耳不須更為

磨鍊李鎰非但之人此時罷改似屬未安不兄○以洪履祥為漢城府

左尹任蒙正為同副承旨宋應洵為侍講院輔德南以恭為吏曹正郎

李惟弘為兵曹正郎許筠為兵曹佐郎○辛巳○王世子問安○夜

二更東西南三方有火光○壬午○王世子問安○巳時

上幸大平館接見萬經理世德曰賊退已久而軍兵未即撤回貽害地